

路史

冊
三

卷一

卷二

卷三

路史國名紀 卷己

宋廬陵羅泌纂

男 莘註

明廣陵喬可傳校

古國

饒

菟姓今深州有饒河齊大夫采邑

趙孝城拔之以封弟長安君

攘

菟姓宜卽穰穰侯國

秦封魏冉

今鄧之穰縣

利

菟姓潛夫云菟姓饒利一作刹

雲陽二今茶陵西南十里有雲陽山少昊亦居之又在甘泉亦曰雲

陽山在馮翊雲陽縣今隸耀非丹徒

蜀

今成都見楊子雲蜀紀等然蜀山氏女乃在茂詳後妃后國

蠶

蠶叢氏國今彭之導江有蠶厓而漢之蠶陵縣在翼之翼水

縣西有蠶陵山

路

史 國名紀己

一 中華書局聚

瞿

今雙流縣南十八里有瞿上城益之西南二十縣北有瞿上

鄉

導江

魚鳧治今眉之彭山縣北東二里有魚鳧津南北八郡志云
犍爲有魚鳧津廣數百步

郛

杜宇治

稀韋

婁

石樓也開山圖云石樓山在琅邪昔有巢氏治此在城陽縣
東北有婁鄉是然去琅邪遠矣今隰有隨石樓縣隨本曰土
京東南六十有石樓山水經注蒲水出石樓下是也

庸城

許所遷定四年楚城今岳之華容

垂拱二以武氏諱與雄之
容成皆改增土天寶復舊

陽武

柏皇後黃帝臣柏高春秋之柏子國楚滅之今蔡之西平有

柏亭

寰宇九域
云古柏國

大庭 魯地昭五年傳有大庭氏之庫輿地廣記云在仙源今隸宛

東里 東里子諸侯也栗陸臣夏后臣有東里槐

祝宗 祝融氏後

祝丘 祝融氏後祝丘氏今沂之臨沂東南五十有卽丘城春秋之

祝丘也桓五年城祝丘鄭樵云漢卽丘縣

彌 在益部詳紀中

朱襄 九域志云南京柘城古朱襄氏之邑

右上古帝王之世

子曰道千乘之國敬事而信節用而愛人使民以時學之
爲王者事其此已矣千乘諸侯之謂也而所謂道道此
而已敬者所以重事也信者所以立政也節用所以富國
愛人所以固本而使民以時者所以興財也五者治天下
之常經而聖人之所以道有國者唯有國者從而道之則

君安而國家可保矣是故道之以敬而民莫不承聽道之以信而民莫不承任道之以節用而財不匱道之以愛人而民不失于生使之以時則穀不可勝食財不可勝用而道之道畢矣 經曰在上不驕高而不危制節謹度滿

而不溢高而不危所以長守富也滿而不溢所以長守貴也富貴不離其身然後能保其社稷而和其民人蓋諸侯之孝也夫不驕則敬事矣謹度則信行矣制節則謹用而不溢則愛民矣和其民人則又時使之矣固諸侯之事也故曰古之亡國皆以無道記曰國家未道此禪人所以道國之政事者也上失其道則其散亦久矣而顧可國乎詩云迨天之未陰雨徹彼桑土綢繆牖戶今此下民或敢侮予孔子曰爲此詩者其知道乎能治其國家誰敢侮之乃若夫子之得邦家所謂立之斯立道之斯行固不外乎此

也夫夫子顧未始得邦家也而曰得邦家者上之所以道其君而下之所以道其民者固所以行之天下而得邦家也湯於亳文王之於岐因此道爾故以亳之政道之天下則商之王矣以岐之政道之天下則周之王矣夫子之得邦家特亦不過推中都之政道之天下而已矣吾固曰敬事而信節用而愛人使民以時此治天下之常經而聖人所以道有國者也故曰泉有源治有本道者審本而已

徐幹論

三皇之世

宛工 卽鬱鬱華國

金 金提國帝堯世有金道華種蘭唐韻云周附庸金州也金氏

出此 唐新羅金姓漢金日磾因祠金人爲姓非也

紀 紀侗國後有紀后爲虞帝師

路 史國名紀己

陽

陽侯伏羲臣許慎云陵陽國侯也國近江今宣之涇縣有陵

陽山

蹇

蹇修國後有蹇氏蹇氏

秦有蹇叔姓書云因邑又有蹇氏姓解音愆

四者太昊臣

共工

地在弘農虞帝時共工或云居此

赤

赤奮赤松炎帝諸侯後有赤氏赤民高陽師

邾

邾天國邾州巨鹿郡

巫

巫咸國故巫縣今夔之巫山

漢巫咸隋曰巫山

淮南子云巫咸在軒

丘北經在女丑北今巫咸山在陝之夏縣

屏

屏封屏翳國

白

白阜國六者炎帝臣

胡

炎陵廟胡真官者同遷侍臣也按嫪歸後皆有胡然按世本

胡曹作衣當不在五帝後攷工嫫胡之笥云胡子國在楚

補

炎帝伐補遂史伯云鄔蔽丹是也姓苑有補氏通典作輔遂

非

遂

炎帝伐之

呂春秋

易之遂城古遂武也嬌姬皆有遂

質沙

帝魁所伐世本之夙沙也後有夙氏夙沙氏宿沙氏

齊風沙衛鼓子

相風沙釐

吳

炎臣吳權黃帝母吳樞國紂時亦有吳伯今陝之平陸有吳

山

廣壽

廣成

仙傳云廣成居空同今汝之梁縣西南四十有空同山廣成

城廣成澤廣成子廟宣和中守林時奏其事立觀其澤漢安

以賜貧民有廣氏

風俗通

刁

音彫道書多作刁

仁廟編陰陽書猶有刁牧地戶開曆世

盡作力白虎通云黃帝師力牧晁錯云帝得力牧而為五帝

先姓書後有力氏未究

路

史國名紀己

四中華書局聚

伍

件也伍胥黃帝臣

見玄女兵法

今慈之件城

鄧

黃臣鄧伯溫魯地隱十年齊魯盟處與南陽子姓鄧二

寧

杜云汲郡修武今衛之獲嘉有寧城故修武也

詩外傳武王伐紂勒兵於

寧改曰修武

魏土地記大寧城西二十里有小寧城今在懷戎

容成

侯國漢縣隸涿本屬易今隸雄州燕之西境徐廬國也

漢匈奴降

王封

有容氏姓纂容成氏

仙傳容成公

恒

恒先國常也

一作常先

衛康叔孫封之世本云後有常氏恒氏老

師常從楚有恒思公宜為恒山

亦作常

鵠

鵠治黃帝臣乃俠也漢俠侯國有俠氏

闕

闕紀黃帝臣

方

方回國帝堯時有方明

習

風俗通云習國名傳有少習

哀四年

預云商洛武關按此晉禦

楚之塞在商洛東南九十今永興軍

漢有習響陳相

離

涪

涪子黃帝師臣

岐

即岐豐至商文王為岐侯

詳高辛後國

靄

靄伯國漢有靄侯屬東海

鬼

容區國商有鬼侯即九侯今漳浦有鬼侯山亦曰九侯山

俗云

山魃之居圖經又謂少康九子之居皆妄

霍丘

後漢朱瑒九江壽春記金明城西南百二十有黃帝時霍丘

城楚莊廢為戌

實字記廢霍丘在霍丘

庸

庸光侯國詳商世侯國

奢

奢比國

車

車區國

泠

泠倫國衛之泠邑近魯作泠非

冤

宛也宛侯即冤侯冤胸是今曹之宛句

云古冤濮須句之間

路

史國名紀己

五二中華書局聚

俞

郇也俞跗國今大名夏津西南五十有郇故城後魏漢清河

之郇縣

田蚡邑音輪德州平原西南

呂佗為俞侯國有俞氏喻氏

漢有俞達勅救

切

盧

俞跗或作盧跗今鄆之陽穀有故盧城齊地久廢後扁鵲居之

桐

仙傳桐君世族譜云楚東小國

文二年桐叛楚地名九域志云小國楚附庸定二年楚滅

之

今舒之桐城

圖經云春秋時桐國蓋桐邑也漢之楚

桐國離岸注桐國離尾諸西南

有桐亭

廬州舒城西南

有漢桐鄉朱邑所葬

榮

榮援國周之采地或云榮鄭地

宣十二年乃榮陽榮澤然閔二年戰榮澤衛地也

橋

姓辨書云黃帝子孫守橋山者或云喬非

沮

沮誦音菹黃帝史後有沮氏

共

茄

黃帝荆茄豐

玄中記

楚地昔楚城州屈以復茄人城丘皇以遷

訾者使熊相謀郭巢季然郭卷子太叔聞之曰楚王將死矣使民不安其土云云昭二十五 記音加張

楫以爲荷

離 郡國志許州離城黃帝離又爲杵臼處或作羅非

於 於則作履者今鄧之內鄉東七里有於村 荆州副圖與商近所謂

商於說者以商於爲一國失之裴云商於在順陽南鄉丹水二縣有商城在於中所謂商

於劉氏云商於二國相去二百里傳言商於析鄴四邑近南陽 有於氏袁紹傳授

左 左徹後有左氏今聞喜漢之左邑

有北 帝戮蚩尤遷其民善者于鄒屠惡者于有北詩云投畀有北

惡可知矣

右三皇時侯伯之國

萬盈數也易之比曰先王以建萬國堯協萬邦以其號數

之多也而塗山之會贊玉帛且萬數則古嘗萬國矣粵自

黃帝畫埜分疆方割萬里得百里之國萬區而劉恕遽擯

其非謂百里者萬非方十萬里有不能容是殆尺分之也

尺以一直
爲十寸

國界之分直依枰罫枰罫之勢百里者萬特方

一萬里爾是故方十里者爲方一里者百方百里者爲方
十里者百方千里者爲方百里者百方百里者爲方千里
者百方百里者萬矣

枰一百一十九路方爲
三百六十一路

雖然虞夏之前四

正疆理東止郎邪之海西積石之河五千而縮南至衡山
北洎單于府五千而贏使皆封建百里之國惟堪二千五
百縱并遼東勃海長城外盡契丹高句驪積石塞黑水靺
鞨流沙之地亦不能五千國况古百里當今百二十一里
六十步烏得所謂萬區百里國哉蓋古嘗有萬國之制而
非皆百里也故呂覽言神農封建彌近彌大彌遠彌小海
上乃有十里之邦以大運小要如臂使指者而孔子亦曰
安見方六七十如五六十而非邦者是衰周時列國雖足

強大猶有不五十者然則古之萬國從可知矣執王者不
皆百里則執帛者安能皆五十哉伯七十里則百里可二
子男五十則百里可四矣孟子曰海內之地方千里者九
古之天下方三千里止矣五千里者古今衰盛山川萊藪
之通數也周世九服號七千里而職方藩畿爲方萬里斯
亦未記之敝王畿所止亦曷嘗千里哉宗周八百成周六
百此以百同度計言之故子思曰天子封畿千里公侯百
里伯七十里子男五十里虞夏商周之常制也畿門域也
非所謂王圻者也周官班固蓋因玄鳥之詩而失之不知
玄鳥所云正以謂門畿內而其所謂千里者特徑度三十
一里半而強爾公侯之畿徑度十里伯畿八里半而弱子
男七里而強又奚以宗周八八成周六六而合於百里者
百哉

九州之分如此

古者九州特亦以槩率者王制之言四海

之內斷長補短方三千里此概率約也五服之制王城之外甸侯綏服面千五百已盡九州三千里地要荒二服綴九州外其數然也而况九州面距不齊自恆山距南河東河抵西河爲各千里此則圻內甸服所建然自東河至東海西河至流沙南河至江亦各千里南西二方侯綏所建外爲要荒可矣而東距海要荒已無容繫北距恆山已接邊陲雖侯綏有不得而立惟南自江至于衡山更越千里則要荒二服亦并在九州內而自衡山南盡揚域且復千里未汔南海悉爲荒外南爲大羸北爲太腴則知先王之制必有圓法豈至說者之拘哉

九州之界濟河淮岱相去不能千里荆河二千里而羸

海岱千里而縮荆山衡陽二千而遙東海西河二千而近而壽春之淮潮陽之海相去五六千里龍門之河屯蝗之黑相距且四千里華陽黑水窮數千里猶未知其所終荆河淮濟之間斷長補短不能淮海一州之半則知所制各

有當矣

周之西都今之關中而東都則洛陽也二都地踞南

山之陰北山之陽東西長南北短短長相補猶不能以千里今古不變而禮王畿四方相距爲方千里遠郊近郊甸地稍地小都大都率相距爲百里豈千里之方所能容哉固知畿服諸說有匪圓通上世必有除補相乘之道爲疆理之定制者方隋盛時東南並海西且未北五原東西九千三百南北萬四千八百一十五唐文皇時東極洋海西抵焉耆九千五百一十南盡林州北延陀萬六千九百一十八茲亦人迹逐曲所計而步畿之法取之虛空鳥道揆以日景而參之乎圭表其於人迹迂直大約三而去三萬五千之折止亦五千而已王制之言惟其大約也

五帝之世

玄都 少昊時諸侯外傳云玄都氏黎國或謂重黎非也周書云昔

玄都氏謀臣不用龜策是從忠臣無祿神巫用國而亡

洪範志都